

MISILITSINNERMUT QUPPERSAGAQ

TNI-FLEX-IMI ILINNIARNERMI

GREENLAND BUSINESS SCHOOL - NIUERNERMIK

ILINNIARFIMMI

IMAA

Aallaqqaasiut.....	4
Inatsisitigut tunngavik	4
Nalinginnaasumik najoqqutassat	5
Misilitsinnermi peqataanissamut piumasaqaatit	5
Misilitsinnermut takkunneq uninngaernerlu	5
Inortuigaanni.....	5
Ini misilitsiffik piffissaq naanngitsoq qimanneqarpat	6
Perusersartarfiliarneq.....	6
Nerisassat imigassallu	6
Asseq kinaassutsimut uppersarsaat	6
Qarasaasiamik atuineq	6
Pissusilersorneq akuerineqarsinnaanngitsoq.....	7
Misilitsinnermi peqquserlunneq	7
Annertusisamik nakkutilliineq	7
Nipinik videonillu immiussinerit	7
Innarluuteqarnikkut immikkut akuerineqarneq.....	8
Napparsimanermi immikkut akuerisaaneq	8
Misilitsinnermi naliliineq karakteriliinerlu	9
Misilitsissimanermut uppersarsaat	9
Naammagittaalliutit	9
Immikkut ittut meeqqat atuarianni inaarutaasumik misilitsinnerni	11
Misilitsinnerit assammik allatat	11
Attaveqaqatigiinneq aamma inoqatinut attaveqaatit	11
Censorimik toqqaaneq	11
Immikkut case-eksamen pillugu eqqaasariaqartut.....	12
Assiliiginnarneq	12
Tamanut ammasuuneq mianerinninnerlu	12
Eqimattakkaarluni misilitsinnerit	12

Generativ Artificial Intelligence-p atornerqarnera	13
Inunnut paasissutissanik eriaginninneq	13
Censorimik toqqaaneq	13
Censorimut paasissutissiineq	14
Censorip ileqqussaa	14
Karakteriliineq naliliinerlu	14
Ilangussaq 1: Immikkut akuerineqarnissamut qinnuteqarnermut immersugassaq	15

AALLAQQAASIUT

Uuma misilitsinnermut quppersakkap malittarisassat atuuttut, ingerlaatsit maleruagassallu Greenland Business School – Niuernermik Ilinniarfik-mi (GBS/NI), ilinniakkami TNI-mi misilitsinnermut tunngasut tunngavigivai.

Misilitsinnermut quppersagaq agguataagaavoq tamanut atuuttut malittarisassat aamma meeqqat atuarfianni inaarutaasumik msilitsinnerni aamma case-eksamen aallaavigalugit, taakkua inatsisit assigiingitsut malimmatigit.

Inatsisitigut tunngavik

Misilitsinnermut quppersakkap qulakkiissavaa ilinniartunut misilitsinnerit naliliinerillu inatsisit atuuttut malillugit pisassasoq, peqquserlunnerit ikilisassallugit kiisalu naapertuilluartumik naliliinissaq.

Ilinniakkap meeqqat atuarfianni inaarutaasumik misilitsinnerit inatsisit atuuttut malillugit suliaapput

- Namminersornerullutik Oqartussat nalunaarutaat nr. 14 23. juni 2008-meersoq karakteriliisarnermi tulleriinnilersuineq allatullu naliliisarneq pillugit
- Namminersorlutik Oqartussat inatsit pillugu nalunaarutaat nr. 19 27.april 2023-meersoq atuarfik pillugu
- Namminersornerullutik Oqartussat nalunaarutaat nr. 3 9. januar 2009-meersoq atuarfimmi naliliisarneq uppersaasiortarnerlu pillugit

Ilinniakkap case-eksamen inatsit atuuttoq aallaavigalugu suliarineqarpoq

- Namminersornerullutik Oqartussat nalunaarutaat nr. 14 23. juni 2008-meersoq karakteriliisarnermi tulleriinnilersuineq allatullu naliliisarneq pillugit
- Inatsisartut inatsisaat nr. 31 4. Juni 2024-meersoq inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit
- Namminersorlutik Oqartussat nalunaarutaat nr. 4 18. marts 2015-meersoq inuussutissarsiutinik ilinniarfinni soraarummeertarnerit pillugit

Atuutilertera akuerineqarneralu

Misilitsinnermut quppersagaq atuutilerpoq 22. april 2025 atuartunullu tamanut inuusuttut ilinniarfianni GBS/NI-mi atualersimasuni atuulluni.

Misilitsinnermut quppersagaq atuarfiup pisortaanit akuerineqarpoq 14. april 2025.



Troels Friis

NALINGINNAASUMIK NAJOQQUTASSAT

Misilitsinnermi peqataanissamut piumasaqaatit

GBS/Nimi atuortoq ingerlaannartumik misilitsinnermut ilanngunneqartarpoq, case-eksameniugaluarpad imaluunniit meeqqat atuafianni inaarutaasumik misilitsinnerugaluarpad. Case-eksamenimut piffissaq sumiiffissarlu Lectio-kkut nalunaarutigineqartarput. Atuortoq malinnaajuassaaq case-eksamenimut misilitsinnissamut pilersaarutit tamanut nalunaarutigineqartut allanngortinneqarsinaammata. Tamatuma avataatigut aamma atuartup meeqqat atuafianni inaarutaasumik misilitsinnissamut [Majoriaq](#) -mi alaatsinaaffigissavai.

Atuortoq misilitsinnissamut imaluunniit misilitsinnissanut arlalinnut peqataaniarani kissaatiguniuk, atuartup immikkut akuerineqarnissamik qinnuteqaat (Ilanngussaq 1) ilinniartut kiffartuussiffiannut info@gbs.gl 1. november sioqqullugu nassutissavaa.

Misilitsinnermut takkunneq uninngaernerlu

Ilinniartup akisussaaffigivaa misissussallugu, sumi qaqugulu misilitsittoqassanersoq, kiisalu sumiiffissamut nalunaaqutsiusarlu eqqorlugu takkunnissamut. Case-eksamen-ermermi atuortoq minnerpaamik 30 minutsit misilitsinneq sioqqullugu takkutissaaq. Piffissamik siuartitsisoqariataarsinnaavoq, kinguneralugu ilinniartoq misilitsinnaammata misilitsiffissamit pilersaarutaasumit siusinnerusukkut. Meeqqat atuafianni inaarutaasumik misilitsinnermi misilitsittoq misilitsinneq 30 minutsit kingusinnerpaamik sioqqullugu takkutissaaq.

Inortuigaanni

Misilitsinnermut inortuigaanni erngerluni ilinniartut kiffartuussiffiannut 323099-imut sianissaaq. Taava ilinniartunut kiffartuussiviup ilinniartup inspektøria attavigissavaa, taassumalu misilitsitsisoq peqatigalugu naliliissapput, ilinniartoq misilitsinnermut peqataasinnaanersoq. Taakkua aaliangiisuussapput, pissutsit aallaavigalugit ilinniartoq akuerineqassanersoq. Nalorninnermi ilinniartup pisortaa attavigneqassaaq.

Ini misilitsiffik piffissaq naanngitsoq qimanneqarpat

Ilinniartup ini misilitsiffiusoq qimannissaanik kissaateqarpat, sulii allattariarsorluni misilitsinneq naanngitsoq, talini nappassavaa misilitsinnermi nakkutilliisoq qaaqquniarlugu. Misilitsittup suliani naammassisimasoq tunniunnagu ini misilitsiffiusoq qimappagu, akissutaa nalilersorneqassanngilaq. Færdighedsprøveni ini misilitsiffiusoq qimaqqusaanngilaq.

Perusuersartarfiliarneq

Allattariarsornermi oqaluttariarsornermilu misilitsinnerni unikkallarnerit atorneqanngillat. Allattariarsorluni misilitsinnermi taamaallaat perusuersariartorneq pisinnaavoq misilitsinnermi nakkutilliisumit akuerineqaaqqaarnikkut, nalunaaquttalli akunnerata siulliup affaata kiisalu akunnerup affaata kingulliup nalaani taamaallaat pinnani. Oqaluttariarsorluni misilitsinnerup nalaani perusuersariartornissaq periarfissaanngilaq.

Nerisassat imigassallu

Nerisassat imigassallu nammineq atugassat taamaallaat nassaqqussaapput. Tipeqassanngillat imaluunniit nipiliussanatik misilitsiffiup iluaniittunut allanut ajoqutaasumik. Tamanna misilitsilluni nakkutilliisup nalilissavaa.

Asseq kinaassutsimut uppersartaat

Misilitsittoq assimik kinaassutsiminik uppersartaatigisinnaasaminik peqartussaavoq, assersuutigalugu ilinniartuunermut allagartaq (studiekort), pas imaluunniit biilernerit allagartaq, piuaaffigineqaruni takutissinnaasaanik. Nalornisoqalissappat imaluunniit assimik kinaassutsimik peqanngippat, ilinniartuup pisortaata aaliangissavaa, misilitsinnermut isernissaq akuerineqassanersoq. Iseqqusaanngikkaanni, misilitsinnermut misiliinertut naatsorsuutaassaaq.

Qarasaasiamik atuineq

Aallaaviusumik atuartup nammineq qarasaasiaq pigisani atussavaa. Atuartup nammineq akisussaaffigivaa qulakkiissallugu qarasaasiaq akornuteqannginnissaa. Taamaappoq qarasaasiaq nammineq pingiguniuk imaluunniit atuarfiup atukkiussariguniuk. Atuartoq IT-support-imut GBS/NI-miittumut saaffiginnissaaq qarasaasiamik atornissaminik pisariaqartitsiguni.

Pissusilersorneq akuerineqarsinnaanngitsoq

Atuartoq akuerineqarsinnaanngitsumik imaluunniit akornusersuisumik misilitsinnermi pissusilersorpat imaluunniit misilitsinnermi malittarisassat unioqquippagit, pisumut nalileereernikkut imatut pisoqarsinnaavoq pisortap aaliangigaanik:

Hvis en elev udviser upassende eller forstyrrende adfærd ved en eksamen eller bryder eksamensreglerne, så vil der ud fra en konkret vurdering kunne ske følgende, som afgøres af forstanderen:

- Ileqqorissaarnissaq pillugu ilinniakkap pisortaani oqaloqateqarneq
- Misilitsinnermit anisitaaneq
- GBS/NI-mit anisitaaneq

Misilitsinnermi peqquserlunneq

Misilitsinnermi peqquserlussimasutut pasitsaassaqaqarnermi atuartitsisup imaluunniit allaffeqarfiup pisoq misissorlugu aallartissavaa. Peqquserlussimanermik ilimanaateqarpat, suliaq ilinniakkap pisortaanut nalunaarutigineqassaaq. Misilitsinnermi peqquserlunermik pasisatsaassaqaqarneq, misilitsinnermi nakkutilliisumit paasineqartoq, aamma ilinniakkap pisortaanut nalunaarutigineqassaaq.

Annertusisamik nakkutilliineq

Atuarfiup aaliangersinnaavaa, misilitsinnermi nakkutilliineq misilitsittumut imaluunniit arlalinnut misilitsinnermi annertusissasoq. Annertusisamik nakkutilliineq qanoq isikkoqassanersoq atuarfiup aaliangissavaa, assersuutigalugulu kingunerisinnaavaa, misilitsittoq inimi nakkutilliisumut qaninninngorlugu inissinneqartoq.

Nipinik videonillu immiussinerit

Nipinik videonillu misilitsinnermik immiussinerit inerteqquutaapput. Ilinniartoo akuerineqanngitsumik immiussippat, ilinniarfiup pisortaata imaluunniit forständerip qanoq kinguneqartitsisoqassanersoq aaliangissavaa.

Innarluuteqarnikkut immikkut akuerineqarneq

Atuartut timikkut imaluunniit tarnikkut innarluuteqartut immikkut ittumik akuersissummik qinnuteqarsinnaapput misilitsinnissamut immikkut ittumik atugassanik, taamaalillutillu ikorfartorneqarnissaminut tunineqarlutik. Atuartup immikkut akuerineqarnissamut qinnuteqaat kiisalu ilaatigut uppernarsaatit tassunga tunngasut ilinniartut kiffartuussiffiannut info@gbs.gl -imut, kingusinnerpaamik 1. november nassiutissavai (takuuk ilanngussaq 1). Atuarfiup nalilissavaa, immikkut ittut atukkat pisariaqarnersut. Immikkulli akuersinerup misilitsinnerup atuagarsornikkut qaffasinnera sunnissanngilaa.

Misilitsitsisoq ilinniarnermullu siunnersortip ataatsimoorlutik naleqquttumik nassaassapput, aammattaaq taassuma iluani atortorissaarutit sinaakkutillu pisariaqartitat, atuartup misilitsinneq pitsaanerpaamik ingerlanissaanik anguniarlugu, atuartunut allanut naleqqersuunneqarsinnaasumik. Tamanna ilinniartuup pisortaata akuerissavaa.

Innersuunneqarpoq, atuartup atuarfiup siunnersuisarfia [immikkut ittumik atuartitsinermi ikorfartuineq \(specialpædagogisk støtte\)](#) pillugu saaffigissagaa tassunga tunngasunik atortorissaarutit ilinniariaatsillu ilinniarnermut ikorfertuilluarsinnaasut pillugit.

Napparsimanermi immikkut akuerisaaneq

Atuartoq misilitsinnerup ulluani napparsimaguni, ilinniartut kiffartuuffiannut 323099-imut sianissaaq. Tamanna piaarnerpaamik pissaaq. Eqqaamallugu klassi aamma CPR-normu ilinniartut kiffartuuffiannut nalunaarutigissagakku.

Atuartoq oqaluttariarsorluni imaluunniit allattariarsorluni napparsimaleruni, misilitsitsisumut imaluunniit misilitsinnermi nakkutilliisumut saaffiginnessaaq ini misilitsiffiusup qimanginnerani. Taava atuartoq napparsimanermut uppernarsaammik (lægeerklæring) takutitsissaaq, ulloq misilitsiffimmi napparsimasimaneq uppernarsarlugu. Uppernarsarsinnaagaanni misilitsinnermut misiliinertut isigineqassanngilaa, ingerlaannartumillu atuartoq napparsimasimalluni misilitsinnermut ilanngutitineqassaaq.

Napparsimarnermut uppernarsaat atuarfiup tingoreersimassavaa ulloq misilitsiffiusoq ulluinnarnik tallimanik qaangiutsinnagu. Uppernarsaat nassiunneqassaaq ilinniartut kiffartuuffiannut info@gbs.gl -imut. Atuartup nammineq napparsimanermut uppernarsaatip allannera akilissavaa. Nalinginnaasuuvoq napparsimasimanerup kinguneranik misilitsinneq misilitsinnerup eqqortup qaammatinik pingasunik qaangiunnerani neqeroorutigineqartarnera. Qaammat juli qaammatinut taakkununga naatsorsuussaannngilaaq. Misilitsinnerup ilaa naammassineqarsimanngippat uppernarsaatilimmik napparsimanikkut, tingoqqinneqarsinnaanngilaaq, misilitsinneq tamarmi angusiffioreersimappat. Tamannali atuutinngilaaq tassunga ilinniarnermut aaliangersakkami immikkut ittumik aaliangersaasoqarsimappat.

Atuartoq misilitsinnissaq sioqqullugu sivisunerusumik napparsimasimappat, tamannalu pissutaalluni suliaminik tunniussinngitsoorluni, napparsimasimalluni misilitsinnermik neqeroortoqarsinnaavoq. Atuartoq napparsimanermut uppersammik takutitsinnaassaaq. Napparsimasimalluni misilitsinneq taamaallaat ingerlanneqarsinnaavoq, napparsimaneq tunniussinissamut qaammat ataaseq sioqqullugu pisimappat. Napparsimasimalluni misilitsinnissamut imaluunniit nalinginnaasumik misilitsinnissamut pisut ataasiakkaarlugit aaliangiiffigineqartassapput, apeqqutaalluni napparsimaneq qanoq sivisutigisimanersoq misilitsinnissallu ullulerneqarnera.

Misilitsinnermi naliliineq karakteriliinerlu

Atuartutut misilitsinnermi angusat tamaasa Lectio-mi takuneqarsinnaapput. Ilinniarnermi [GBS-skala](#) (Greenlandic Grading System) atorineqarpoq. Case-eksamen-imi misilitsinnermi naliliineq oqaatsitigut misilitsitsisumit censorimillu tunniunneqartarput. Tamatum kingorna misilitsinnermi inernerit Lectio-mi takuneqarsinnaapput.

Misilitsissimanermut uppersaat

GBS/NI-p ilinniakkami imaluunniit pikkorissarnermi misilitsissimanermut uppersaat suliarisarpaa. Uppersaat nassiunneqartarpoq imaluunniit tunniunneqartarpoq timitalimmik kingusinnerpaamik qaammatit marluk qaangiunneranni naliliinerup inaarutaasumik misilitsinnermi nalunaarutigereernerata kingorna. Qaammatit marluk taakkua iluanni qaammat juli naatsorsuutigineqanngilaq.

Atuarfiutaaq misilitsissimanermut uppersaat suliarisarpaa ilinniakkap immikkoortortaannut, atuartunut ilinniakkamik qimatsisunut naammassinngikkaluarlugu. Misilitsissimanermut uppersaammi naqinneq M fagimut nalunaaqutsiunneqartarpoq, atuartup naammasserigaasa nalaannut. Atuarfiup paasisutissat paarisarpai, pisariaqartut uppersaammik sananissamut misilitsinnerup ukiuni 30-ini kingorna.

Naammagittaalliutit

Atuartoq karakterit imaluunniit misilitsinneq pillugu naammagittaalliorsinnaavoq. Naammagittaalliutit allakkatiguussaaq nassiunneqassallunilu info@gbs.gl -mut. Naammagittaalliutit aamma eqimattatut tunniunneqarsinnaavoq. Atuarfiup naammagittaalliutit nalilersussavaa aamma censorip allattugai kiisalu misilitsitsisup allattugai suliap ingerlanneqarnerani tunngavissatut tigussavai. Atuartup ilinniarnini nangeqqissinnaavaa, naammagittaalliutit suliarinerata nalaani, naammagittaalliutit atuartup ilinniakkamik ingerlatsinera sunnissanngilaa. Naammagittaalliutit isertukkatut suliarineqassaaq misilitsissimanermullu uppersaammut allanneqassanani.

Naammangittaalliuut kingusinnerpaamik sapaatit akunnerit sisamat qaangiuppata tunniunneqassaaq. Atuarfiup allaganngorlugu akinissaminut sapaatit akunnernik marlunnik piffissaqarpoq. Misilitsinnissamik nutaamik imaluunniit naliliinissamik neqeroorfigineqaruni, atuartup neqeroorut sapaatit akunneri marluk qaangiutsinnagit akuersaassaaq. Misilitsinneq nutaaq angusaqarfiusinnaavoq karakterimik qaffasinnermik, appasinnermik, imaluunniit periikkap assinganik.

Misilitsitsisoq censorilu nalilersuinerup ingerlanerani suliaq kiisalu karakteriliineq pillugu allattuissapput, naammangittaallior-toqaleriassagalarpat atungassanik. Allattukkat sivikinnerpaamik ukioq ataaseq toqqortarineqassapput, kiisalu naammangittaallior-toqarsimappat taassuma suliarinerata naanissaata tungaanut.

Naammangittaalliornerup imarippagu, suliap inatsit atuuttoq kiisalu allaffissornermut inatsisit ileqqusut malillugit suliarineqarsimanersoq, atuarfiup aaliangiinera Ilinniartitaanermut naalakkersuisoqarfimmut apuunneqarsinnaavoq. GBS/NI tassani oqaaseqaateqarsinnaavoq, naammangittaallior-tup ullut qulit qaangiutsinnagit oqaaseqarfigisinnaasaanik. Tamatuma kingorna atuarfiup naammangittaalliuut, atuarfiup oqaaseqaataa aamma naammangittaallior-tup oqaaseqaatigisinnaasai Ilinniartitaanermut naalakkersuisoqarfimmut nassiutissavai.

Naammangittaalliuutit GBS/NI-mit aaliangiiffigineqartut, atuartup inatsisitigut inissisimaneranut attaveqanngitsut, ilanngullugit misilitsinnermut karakterinulluunniit tunngasut, pisortaqaqfinnut qaffasinnerusunut ingerlateqqinneqarsinnaanngillat.

IMMIKKUT ITTUT MEEQQAT ATUARFIANNI INAARUTAASUMIK MISILITSINNERNI

Misilitsinnerit assammik allatat

Misilitsinnerit assammik allatat malitassat nalinginnaasut aallaavigalugit suliarineqassapput.

Assammik allatat tunniunnerini makkua malinneqassapput:

- Ateq, quppernerup normua quppernerit tamaasa
- Akissut kuglepen-imik tungujortumik allanneqassaaq

Misilitsinneq sioqqullugu isumaqatigiissutigereersimasassaaq, misilitsinnermi akissut assammik allataq tunniunniaraanni.

Attaveqaqatigiinneq aamma inoqatinut attaveqaatit

Misilitsinneq aallartikkaangat, atuartup allat attaveqarfigeqqusaajunnaassavai. Taamaallaat saaffiginninneq misilitsinnermi nakkutilliisumut nappaanikkut pisinnaavoq. Ilinniartup misilitsinnermi nakkutilliisuunngitsunut attaveqarniaraluarpat, imaluunniit atortorissaarutit atoqqusaanngitsut atorpagit, taanna erngerluni misilitsinnermiit anisitaassaaq.

Tusarnaarutit assigisaalluunniit misilitsinnerup nalaani atoqqusaanngillat, misilitsinnermi suliammut attuumassuteqanngippata. Tamanna peqquserlunneq pinngitsoortinniarlugu malitassaavoq. Tusarnaarutininik immikkut ittumik pisariaqavippat atortariaqakkanik, immikkut ittumik akuerineqarnissamik qinnuteqartoqassaaq. Mobiltelefonit qaminngassapput, smartwatch-illu misilitsinnerup nalaani attaveqassanatik.

Censorimik toqqaaneq

Meeqqat atuarfianni inaartutaasumik misilitsinnernut atatillugu, censori ilinniartitaanermut Naalakkersuisoqarfimmit toqqaarneqartarpoq. Censoritut toqqaarneqarnissamut piumasaqaatit nalunaarummi ersarinnerusumik allaaserineqarput.

IMMIKKUT CASE-EKSAMEN PILLUGU EQQAASARIAQARTUT

Assiliiginnarneq

Assiliiginnarneq pisumi qanoq atsigisumik assiliiginnartoqarsimanersoq nalilerneqassaaq. Ingasattajaarnikkut imaluunniit arlaleriarluni assiliiginnarnikkut kinguneritinneqarsinnaavoq, ilinniartup erngerluni aturfimiit anisitaanerani. Anisitaaneq piffissamik killilerneqartumi imaluunniit atuutiinnartussamik kinguneqarsinnaavoq. Assiliiginnaraanni, kinguneqartitsinerit makkuusinnaapput:

- Nalilerneqanngitsoorneq imaluunniit nalilerneqarsimanerup atorunnaarsinneqarnerani
- Misilitsinnermiit anisitaaneq
- GBS/NI-miit anisitaaneq

Tamanut ammasuuneq mianerinninnerlu

Case-eksamen tamanut ammavoq. Aturfuulli misilitsitsuata aaliangersinnaavaa, oqaluttariarsorluni misilitsinneq tamanut ammassanngitsoq pissutsit immikkut ittut pissutigalugit. Assersuutigalugu atuartumut asattuussinerusinnaavoq, inissaaleqineq pissutaasinnaavoq, mianerinninneq pissutaasinnaavoq imaluunniit eqqissisimanissaq torersuunissarlunniit qulakkeerniarlugu pissutaasinnaavoq.

Misilitsitsisoq censorilu nalililerpata, misilitsitsinnermut najuuttoq misilitsittorlu pigisatik tamaa sa nassarlugit misilitsiffimmiit anissapput. Misilitsitsisoq censorilu kisimik naliliinermi najuuteqqusaapput. Aturfik aaliangersinnaavoq siunissami misilitsitsisussat naliliineq peqataaffigisinnaagaat.

Eqimattakkaarluni misilitsinnerit

Eqimattakkaarluni misilitsinnermi atuartut atuartitsortillu isumaqatigiissutigissavaat, eqimattami ataatsimi qanoq amerlatigisinnaanersut. Atuartitsisup aaliangissavaa, eqimattami atuartut peqataasut qassiussanersut.

Oqaluttariarsorluni misilitsittoqarpat suliarisimasamik allatamik tunngaveqartumik atuartunit arlalinnit suliarineqarsimasumik, atuartut tamarmik ataasiakkaarlutik takutitassartik saqqummiutereersimassavaat, ataasiakkaarlutik karakterilerneqannginnermini. Eqimattakkaarluni misilitsinnermi misilitsittut allat inimi misilitsiffimmeeqqusaanngillat, misilitsinnerup nalilerneqarnerata nalaani. Eqimattap ilaasortai inip silataani ataatsimoorlutik utaqqisnaapput, kisianni misilitsinneq imaluunniit sammisaq pillugu oqallinneq inerteqqutaavoq, ilamik arlaata misilitsinnerata nalaani.

Ilaasortat tamarmik ataasiakkaarlutik ersarissumik akunnaallisakkamillu saqqummiissapput, misissorneqarsinnasumik immikkullu nalilerneqarsinnaasumik. Ilaasortat ataasiakkaat ilanngussaasa suliap ataatsimut 25%-ia sinneqqusaanngilaat.

Generativ Artificial Intelligence-p atornerarnera

Generativ Artificial Intelligence (GenAI), allatanik pilersitsisartuq taaneqartarpoq oqaatsit modellit angisuut (store sprogmoller)(LLM tuluttut taaguut malillugu Large Language Models). ChatGPT, Google Gemini allallu chatbot-iupput, oqaatsit modellii angisuut ikiortigalugit pilersartut.

Atuartup GenAI Case-eksamenimi atorsinnaavaa. Atuartup GenAI atoruniuk, immikkut nassuiaammik kakkiussissaaq, qanoq GenAI atorsimanerlugu. Nassuiaatigineqartoq, GenAI-p atorneranut eqqarsaatersuutit ilanngullugit, naliliinermut ilaatinneqassapput.

Atuarfiup GenAI-mut aamma nassuiaammut politikkaa atuarfiup nittartagaani [politikkit aamma quppersakkat](#) -ni takuneqarsinnaapput. Tassani nassaarineqarsinnaapput malitassat ilitsersuutillu nutaanerpaat GenAI-p eqqortumik eqqunngitsumillu malinnissaanut ilitsersuutit. Taassuma sukkasuumik ineriartortinneqarnera pissutigalugu, atuarfiup GenAI pillugu politikkaa ukiumoortumik nutarterneqartarpoq.

Inunnut paasissutissanik eriaginnineq

Atuartup paasissutissat inunnut tunngasut – nalinginnaasut imaluunniit eriagisariaqakkat – GenAI-p immersorneranut atoqqusaanngilai. Tassani pineqarput imminut, ilinniaqatinut imaluunniit paasissutissiisunut tunngasut. Tassani pingeqarput prompt-imut immiinermi aamma fil-imik uploaderinermi. Atuartup nammineq akisussaaffigivaa suliffeqarfimmeersut paasissutissat eriagisassaansut misissussallugit.

Censorimik toqqaaneq

Case-eksameneqarnermi censor GBS-imit toqqaarneqassaaq. Atuarfiup qulakkiissavaa censorinik toqqaaneq ersarissumik attuumassuteqanngitsumillu ingerlassasoq kiisalu censorip tamatingoortumik piginnaasaqassasoq. Censorit fagip imai sukumiisumik nutartikkamillu ilisimassavai kiisalu ilisimassallugit fagip qitiusumik atornerqarnissaanut periarfissat. Censoritut toqqagaanissamut piumasaqaatit nalunaarummi ersarinnerusumik allaaserineqarput.

Atuarfiup qulakkiissavaa censorit misilitsinnernut ukiumiit ukiumut assignnut atornerqassanngitsut, nikittaaneq kinaassusersiunnginnerlu qulakkeerniarlugit. Misilitsinnernut ataasiakkaanut censorinik toqqaaneq atuartitsisup suliassaraa, ilinniarfiulli pisortaata aamma suliarisinnaallugu. Censori atuarfimmi atorfeqaqqusaanngilaq, imaluunniit ukiut marluk kingulliit atorfeqarsimasussaannngilaq.

Censorimut paasisutissiineq

Misilitsinneq sioqqullugu censorimut nassiunneqassapput ilinniakkap aaqqissungaamera, ilikkagassatut anguniagassat, atuariup GenAI-mut maleruagassai aamma karakterinut allattuiffissat. Pappilissat taakkua misilitsinneq sapaatip akunnerinik marlunnik sioqqullugit nassiunneqassapput. Paasisutissat taakkua nassiunnerinut akisussaaffik ilinniartunik kiffartuussiffimmiippoq.

Censorip ileqqussaa

Censorip pisussaaffigaa misilitsinnerup iluani pisunik allattuinnissaq kiisalu nalilersuineri karakteriliinermilu naammassisaq pillugu allattuinnissaq naammagittaalliorqalissagaluarpat atugassanik. Allattukkat sivikinnerpaamik ukioq ataaseq tigummineqassapput, aamma naammagittaalliorqarsimappat taassuma naammassinissaata tungaanut. Censorip akisussaaffigivaa qulakkiissallugu misilitsinnerit malitassat atuuttut malillugit ingerlanneqarnersut, kiisalu atuartut tatiginartumik naapertuuttumillu nalilerneqarnersut.

Karakteriliineq naliliinerlu

Misilitsinnerup ineneri karakterillu digitalimik allattorneqassapput misilitsitsisumik aamma censorimit. Karakterit Lectio-mut misilitsinneq naammassiniariarpat allattorneqassapput, kingusinnerpaamik aqaguani. Naliliinermut karakterinullu naammagittaalliorqarpat allaffeqarfiup censorip allattugai tingujumasinnaavai.

ILANNGUSSAQ 1: IMMICKUT AKUERINEQARNISSAMUT QINNUTEQARNERMUT IMMERSUGASSAQ

Qinnuteqaat immkersoreerpa, ilinniartut kiffartuussiviannut info@gbs.gl -imut nassiunneqassaaq

Immersugassat tamaasa paasissutissanik qinnuteqartumut tunngasunik immersukkit

Ateq	
Cpr-normu	
Telefon/mobil	
E-mail	
Najugaq	
Illoqarfik/nunaqarfik	
Postnormu	
Nuna	

Ilinniarnermut faginullu immikkut akuerineqarnissannik qinnuteqarpunga

Ilinniarneq	
Fagi	
Ukioq	

Immikkut akuerineqarnissannik qinnuteqarpunga (krydileruk)

Misilitsinnermut peqataaniarunnaarneq(kipparissup iluanut allaguk 'qinnuteqarnermut pissutaasoq')	
Misilitsinnermut peqataaniarneq, naak peqataanissamut pinngitsuugassaangitsut naammassisimangikkaluartut	

Immikkut akuerineqarnissannik qinnuteqarpunga immikkut atukkat pissutigalugit, ukuusut (ataaseq arlallilluunniit krydsilikkit)

Timikkut innarluuteqarneq	
Tarnikkut innarluuteqarneq	
Naqinnernik ilisarinninngissinnaannginneq imaluunniit kisitsisinik ilisarinnissinnaannginneq	
Oqaatsit assersuutigalugu marluinnik oqaaseqarneq	

Immikkut akuerineqarnissannik qinnuteqarpunga allat peqqutigalugit (peqqutaasut tulleriarlugit allaaserikkitt)

Qinnuteqarnermut peqqutaasoq (tulleriarlugit allakkit)

Uppernarsaat (krydsileruk)

Nakorsap allagarsiussaa	
Psykologip oqaaseqaataa	
Naartunerup nalaani allagartaq/Inunngornermut allagartaq/Meeravissiaanermut uppernarsaat	
Misissuisimanermut uppernarsaat	
Naqinnernik ilisarinnissinnaannginnermut/dysleksimut assingusumulluunniit misissortissimaneq	
Toqusup allagartaa	
Akuersaarnermut atsiugaq ilinniartup Nuup avataani misilitsinnermut atatillugu aningaasartuutunik akiliinissamut kiisalu allat pappilissat tamatumunnga tunngasut.	
Allat	

Ulloq

Qinnuteqartup atsiornera

Ilinniarsiup pisortaata immersugassaa

Aaliangigaq (krydileruk)

Akuerineqarpoq	
Itingartinneqarpoq	

Tunngavilersuut (tulleriarlugit allakkit)

--

Akuersisup aqqa

Ulloq	
Ilinniarfiup pisortaa (ateq)	
Atsiorneq	